



DEO OPTIMO MAX.
UNI ET TRINO.

VIRGINI DEI-PARÆ, ET S. LUCÆ,
Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS,
*manè discutienda, in Scholis Medicorum, die Martis decimâ-quartâ
mensis Aprilis, anno Domini M. DCC. LXVII.*

M. PETRO-AUGUSTINO ADET,
Doctore Medico, Præside.

An tuenda sanitas, magis conducat, longa & ampla vestis, quam brevis & angusta?

I.



EDICI est, præsentem tueri sanitatem, imminētis ar-
cere morbi periculum, pravam emendare valetudinem,
quin immò pleniorē & ad extremum apicem perduc-
tam solvere, ne ruat in pejus. Omne vero quod ad
propositum hunc finem collimare potest, illud, etsi mi-
nimum est, nullatenus tamen est negligendum. Medicum itaque

non dedecet de vestibus differere, quæ, si bene ordinantur, præsentis sunt tutela sanitatis, nonnullos valent præcavere morbos, sin minus, animalem perturbare œconomiam, & amplæ morborum segeti possunt ansam præbere. Scilicet, nunc auctâ, nunc apte minutâ vestium quantitate, mutatâ etiam ipsarum naturâ pro diversâ atmosphæræ conditione, non nihil boni exurgit, quæ si incautè mutarentur, aut semper essent eadem, quanta prodiret calamitatum ilias!

At quod de numero & naturâ vestium dixere omnes, id nos de formâ asserere non dubitamus. Iis quippe qui longâ & amplâ veste utuntur, firmissima viget robusti corporis sanitas; nulla ferè, aut pauca saltem ab atmosphæræ ambientis intemperie metuenda habent incommoda. Illorum vero qui breves & angustas gerunt vestes fors est planè diversa: his sæpe debile est & caducum corpus, horum capitibus incumbit numerosa morborum cohors: verbo dicam: prior vestis nihil mali, plurimum vero boni, posterior è contra nihil boni, plurimum vero mali affert, quæ duo tam ratione, tum experienciâ demonstrantur.

I I.

NON incautè sane se gessit ille, qui longam & amplam vestem induit primus, cum hæc vestium forma, cæteris sit longè præstantior. Quippe à collo ad infimum usque pedem protenditur vestis, hanc inter & corpus aliquod adest spatium: nullis genua, lumbi, collum, & humeri comprehenduntur vinculis; sic integra servatur motuum omnium libertas. Liber sit fluidorum omnium circuitus; nihil obstat quominus singulæ corporis partes nutriantur & crescant ut decet. Aliud est etiam non minoris momenti. Scilicet, ampla ista vestis atmosphæræ corpus ambientem ita coerct, ut quendam caloris uniformis & medicæ gradum adipiscatur, qui semper idem remanet: hic verò frigidus nimis aut calidus æbris impressionem moderatur, ita ut irruens aer, si sit frigidior, calorem illius qui intra vestim & corpus continetur, accipiat, si è contra sit calidior, paululum frigescat, contrarium in eundo, cum atmosphærâ frigidior. Nullus est mutationis subitaneæ metus, vitantur proinde nonnulli morbi qui ab isto fonte ducunt originem.

I I I.

AT vero brevis & angustæ vestis effectus non est idem. Hæc immediate regitur corpus. Nullum præbet aeri externo transitum: augetur cunctis calor ultra modum, continuus citatur perspirationis effluxus qui eò sanior est quò liberior, non temperatur atmosphæræ frigidioris aut calidioris impetu. mutatâ subieci potest artificialis ille calor ab immediato vestis contactu ortus: non obvolvitur, sed potius in

carceratur corpus, sua sunt enim pedibus, genubus, lumbis & axillis; sua sunt collo stragula, quibus impediuntur fluidorum cujuscunque generis, itus per arterias, & per venas redivus. Difficiles sunt motus; si per aliquod tempus persistent, brevi subsequitur fatigatio, cui paulo post succedit dolor sat gravis. Hæc ad adultos tantum pertinent; at quanto infeliciores adhuc sunt infantes & puellæ, quibus fasciis * & loricis ita constringuntur pectus & artus, ut ipsis quasi prælo violentè præpediantur. Hinc nascitur vehemens partium intus contentarum pressio, quâ etiam impeditur artuum robur & incrementum.

* Vide Theſim
anſaſcia in-
ſantiſſibus, lori-
ca puelli.

I V.

HAC brevi vestis utriusque descriptione patet, priorem posteri-
riori longe præstare: nulla enim secum affert incommoda; dum
plurimis ite obviat; & ex alterius usu multa nascuntur quæ præsentem
corporis sani statum mutare possunt in pejus. Hæc, ut supra diximus,
omnem motuum omnium servat libertatem, unde fit ut absque ullo
fatigationis, aut doloris sensu, diuturnam artus patiantur exercitatio-
nem, sanitatis conservatricem, cujus beneficio fovetur nativus cor-
poris calor, augetur fibræ muscularis elaterium, vegetior & facilior
redditur alimentorum concoctio, chylique distributio, felicior fit nu-
tritio, promptior evadit circuitus humorum qui morâ suâ perniciosi
sunt aspersuri visceribus: labore demùm & exercitio servatur func-
tionum omnium libertas & integritas, firmatur corpus alioquin infir-
mum & debile evasurum.

At videte eos qui vestem gerunt angustam, ut ipsi brachia pedes-
que per aliquod tempus nequeant movere, quin doleant; frustra vel-
lent currere, cum solam ipsam deambulationem diù tolerare non pos-
sint. Cernite homines istos quibus robustum & duri laboris patiens
corpus dedit naturâ. Si onus aliquod ingens sublevandum, trahen-
dum, aut gestandum habeant, nonne vestem exuunt, leve pondus
equidem, quod tamen ipsis maximum affert incommodum, axillas
premendo, Brachiorumque motus impediendo. Interrogare milites,
vix arma à levâ ad dextram, à dextrâ ad sinistram manum movere
possunt, nisi maxime ipsis doleant humeri: ubi vero eastra metanda
sunt, aut longum iter brevi tempore conficiendum, quàm vellent nul-
lis pedes suos, genuas, humeros constringi videris!

Non nullos etiam ex usu brevis & angustæ vestis timendos esse
morbos, facili de negotio comprobatur. Cur enim tot infantes vari
sunt, aut valgi, aut gibbi, nisi quia nutrices pessimâ sanè methodo,
fasciis totum corpus angustare consueverunt. Inæqualis quippe pressio
mollit adhuc ossa in hanc vel illam partem flectit & distorquet: ita, ut

nullâ deinceps arte ad pristinum statum revocari queant. Ipsa quoque apoplexia infantum capita sæpe minatur. Apud adultos nonne tumoribus cujuslibet generis, præsertim vero lymphaticis ansam præbent vincula omnibus incumbencia partibus.

Felices sane illi, qui longâ & amplâ veste utuntur. Nil tale metuendum habent, & alia vitant incommoda à repente cohibita perspiratione oriunda. Non enim frigidior aer corpus subito corripit: atmosphæræ ambiendi prius est immiscendus, quâ minuitur sejus impetus. Rarò itaque apud ipsos obtinent rheumatismi, tussies, catharr, cæterique id genus morbi, qui frequentius iis incumbunt, qui vestem gerunt angustam.

V.

QUOD ratio suadet, id confirmat experientia. Testes sunt infantes illi, qui plurimis abhinc annis, juxta prudens medicorum consilium, nullis omnino fasciis involuti, levi largâque tecti tunica fuerunt lactati, deincepsque longam & amplam vestem induerunt. Isti non molles & delicatuli, sed roborati sunt & robusti. Saltant, currunt, natant, magna jam trahunt pondera, eâ ætate, quâ vix pedes, brachia aut corpus agitare incipiunt alii. Non distorquentur aut dimoventur illorum tibiæ, non incurvatur spina, sed ad optimæ parentis naturæ votum disponitur & crescit omne corpus.

At inquires: perspirationi favet brevis & angusta vestis, & à liberâ perspiratione sequitur functionum omnium libertas. Verum, quid inde? Num ipsi nocet longa & & ampla vestis? Minimè quidem; cum servatâ motuum cujuslibet generis libertate, solis naturæ viribus res committatur. Hinc sit ut constans semper & uniformis sit humoris perspiratorii effluxus: immò insensilem perspirationem cieri, periculosum est sapissimè. In vanum ergo objicitur illud quod opinioni nostræ favet potius quam adversatur.

Ergò tuenda sanitati, magis conducit longa & ampla vestis, quam brevis & angusta.

Proponēbat Parisiis PETRUS-MARIA VIEILLARD, Parisinus,
Saluberrimæ Facultatis Medicinæ Parisiensis Baccalaureus, Theses
Auctor A. R. S. H. 1767. A SEXTA AD MERIDIEM.